

Na osnovu člana 80. stav (2) Zakona o izvršenju Budžeta Tuzlanskog kantona za 2018. godinu («Službene novine Tuzlanskog kantona» broj: 19/17), Ministarstvo privrede Tuzlanskog kantona d o n o s i

O D L U K U

o utvrđivanju uslova, kriterija i postupka za dodjelu sredstava sa budžetske pozicije „Ministarstvo privrede“ – 31010001 ekonomski kod 614100 - "Tekući transferi drugim nivoima vlasti" za podršku jedinicama lokalne samouprave u pripremi projekata javno-privatnog partnerstva

Član 1.

Ovom Odlukom utvrđuju se uslovi i kriteriji raspodjele sredstava utvrđenih u Budžetu Tuzlanskog kantona za 2018. godinu, za razdjel 31, glava 01, potrošačko mjesto 0001 – „Ministarstvo privrede“ - ekonomski kod 614100 – “Tekući transferi drugim nivoima vlasti“, u iznosu od 100.000,00 KM (slovima: stotinhiljada konvertibilnih maraka), kao i pitanja vezana za postupak dodjele sredstava.

Član 2.

Nepovratna novčana sredstva iz člana 1. ove Odluke dodjeljuje Ministarstvo privrede Tuzlanskog kantona (u daljem tekstu: Ministarstvo) u cilju podsticanja i pružanja podrške jedinicama lokalne samouprave s područja Tuzlanskog kantona (u daljm tekstu: JLS) za pripremu i implementaciju projekata od značaja po modelu javno-privatnog partnerstva (u daljem tekstu: JPP).

Član 3.

(1) Sredstva su namijenjena za sufinansiranje do maksimalno 50% troškova provođenja aktivnosti na pripremi prijedloga JPP projekta iz nadležnosti JLS do kraja 2018. godine, odnosno za sufinansiranje sljedećih troškova koji će nastati do kraja 2018. godine:

- a) Naknada za članove radnog tijela za JPP projekat;
- b) Izrada projektne dokumentacije za JPP projekat, što obuhvata sljedeće:
 - i. Tehnička dokumentacija (npr. energijski pregledi, elaborati, idejna rješenja i/ili idejni projekat, i sl.);
 - ii. Studija opravdanosti za JPP;
- c) Naknada za JPP konsultanta angažiranog radi osiguravanja stručne podrške za pravilno provođenje procesa identifikacije, pripreme, ugovaranja i/ili praćenja JPP projekta.

(2) Svako korištenje odobrenih sredstva suprotno namjenama utvrđenim ovim članom smatra se nenamjenskim.

Član 4.

(1) Korisnici sredstava iz člana 1. ove Odluke, su jedinice lokalne samouprave sa

područja Tuzlanskog kantona, koje ispunjavaju sljedeće uslove:

- a) Identifikovali su potencijalne JPP projekte iz svoje nadležnosti i usvojili godišnje planove potencijalnih JPP projekata za 2018. godinu,
- b) Započeli su ili imaju namjeru u 2018. godini započeti proces pripreme i izrade projektne dokumentacije za identifikovane JPP projekte koji su uvršteni u godišnje planove potencijalnih JPP projekata,
- c) Iz vlastitog budžeta imaju obezbijedeno minimalno 50% sredstava potrebnih za pripremu i izradu projektne dokumentacije iz tačke b) ovog stava.

(2) Odabir korisnika iz stava (1) ovog člana vrši Ministarstvo putem javnog poziva koji se objavljuje u dnevnom listu koji je izabran u postupku javnih nabavki za vršenje usluga oglašavanja u dnevnim novinama i na web stranici Vlade Tuzlanskog kantona.

Član 5.

(1) Sredstva za namjene iz člana 3. ove Odluke dodjeljivaće se u iznosu do 50% priznatih troškova, a maksimalan ukupan iznos traženih sredstava po projektu ne može biti veći od 20.000,00 KM (slovima: dvadesethiljada konvertibilnih maraka).

(2) Maksimalan iznos traženih sredstava po namjenama:

- a) Za naknade za članove radnog tijela za JPP projekat ne može biti veći od 2.000,00 KM (slovima: dvijehiljade konvertibilnih maraka);
- b) Za izradu projektne dokumentacije za JPP projekat ne može biti veći od 20.000,00 KM (slovima: dvadesethiljada konvertibilnih maraka);
- c) Za naknadu za JPP konsultanta ne može biti veći od 2.000,00 KM (slovima: dvijehiljade konvertibilnih maraka).

Član 6.

(1) Raspodjela sredstava će se vršiti prema kriteriju stepen vlastitog finansijskog učešća u ukupno procijenjenim troškovima pripreme prijedloga JPP projekta, kako slijedi:

- od 50% do 60%	1 bod
- od 61% do 70%	2 boda
- od 71% do 80%	3 boda
- od 81% do 90%	4 boda
- \geq 91%	5 bodova

(2) U slučaju jednakog broja bodova prednost ima podnosilac prijave čiji je projekat planiran u okviru više strateško-planskih dokumenata (strategija razvoja, sektorske strategije, prostorno-planska dokumentacija, plan kapitalnih investicija i drugo).

(3) U slučaju da i nakon provedene procedure iz stave (2) ovog člana podnosioci prijava imaju isti broj bodova, konačnu odluku donosi Komisija za odabir korisnika sredstava.

(4) Sredstva se dodjeljuju po konačnoj rang listi u iznosu definisanom u članu 4. ove Odluke, do raspodjele ukupnih sredstava predviđenih za ove namjene.

(5) Ukoliko pri raspodjeli sredstava posljednji rangirani ne može dobiti traženi iznos sredstava, traži se njegova pisana saglasnost da prihvata manji iznos uz specifikaciju utroška sredstava, a ako ne prihvata isti postupak se ponavlja sa sljedećim kandidatima sa liste.

(6) U slučaju nedostatka sredstava u Budžetu Tuzlanskog kantona obustavit će se realizacija dodjele sredstava u potpunosti ili djelimično, srazmjerno nedostajućim sredstvima.

Član 7.

- (1) Podnosilac prijave prilikom apliciranja na Javni poziv obavezno dostavlja:
 - a) Prijavni obrazac (popunjen i ovjeren od strane ovlaštene osobe JLS), koji čini sastavni dio ove Odluke (Prilog 1) i koji se može dobiti u Ministarstvu i putem web stranice Vlade Tuzlanskog kantona: <http://vladatg.gov.ba/>;
 - b) Dokaz o raspoloživim vlastitim sredstvima za finansiranje aktivnosti pripreme prijedloga projekta (Potvrda nadležnog organa JLS za finansijske poslove o osiguranim vlastitim sredstvima, ne starije od sedam dana u odnosu na dan prijave na javni poziv) - u originalu ili ovjerenj fotografiji od strane nadležnih upravnih organa ili notara;
 - c) Godišnji plan potencijalnih JPP projekata iz nadležnosti JLS za 2018. godinu – kopija.
- (2) Podnosilac prijave obavezno popunjava sve rubrike Prijavnog obrasca, zaokružuje ponuđene opcije upita i odgovara za vjerodostojnost svih unesenih podataka.
- (3) Nepotpune, neuredne i neblagovremene prijave neće biti predmet daljeg razmatranja.
- (4) Prijave na Javni poziv će se bodovati na osnovu dostavljenog Prijavnog obrasca, uz uvid u priloženu dokumentaciju.
- (5) Zapečaćene koverta sa popunjenim prijavnim obrascem i popratnom dokumentacijom, šalju se preporučeno ili dostavljaju lično na adresu:

Ministarstvo privrede Tuzlanskog kantona

Pisarnica Vlade TK, Rudarska broj 57, 75000 Tuzla

sa naznakom: **NE OTVARATI – prijava po javnom pozivu: Odabir korisnika grant sredstava "Tekući transferi drugim nivoima vlasti" za podršku jedinicama lokalne samouprave u pripremi projekata javno-privatnog partnerstva za 2018. godinu**

- (6) Rok za dostavu prijave je 15 dana od dana objavljivanja Javnog poziva u dnevnim novinama.

Član 8.

- (1) Postupak razmatranja prijave provodi Komisija koju imenuje Ministar privrede u Vladi Tuzlanskog kantona (u daljem tekstu: Ministar). Komisija ima predsjednika i dva člana. Mandat Komisije traje do okončanja postupka. Komisija radi na sjednicama i za svoj rad odgovara Ministru. Stručne i administrativne poslove za Komisiju obavlja sekretar Komisije, kojeg imenuje Ministar.
- (2) U svom radu Komisija može, radi što objektivnijeg vrednovanja pojedinih prijava zatražiti konsultacije eksperata iz datih oblasti, dodatno pojašnjenje od strane prijavljenog te po potrebi izvršiti provjeru prispjelih prijava posredno ili neposredno na licu mjesta.
- (3) Komisija razmatra prispjele prijave u pogledu ispunjavanja uslova, vrši bodovanje prijave prema kriteriju iz ove Odluke i sačinjava Preliminarnu rang listu korisnika sredstava sa pozicije "Tekući transferi drugim nivoima vlasti" za podršku jedinicama lokalne samouprave u pripremi projekata javno-privatnog partnerstva za 2018. godinu, i Listu